

**BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
GRAD BIHAĆ
GRADONAČELNIK**

Broj: _____

Bihać, _____

Na osnovu člana 140. Poslovnika o radu Gradskog vijeća (Službeni glasnik Grada Bihaća broj 3/16),
Gradonačelnik, u svojstvu predlagača odluka i drugih akata

O d r e đ u j e

I z v j e s t i o c a Omera Kurtovića, dipl. pravnik, na sjednici Gradskog vijeća i radnim tijelima po
prijedlogu tačke dnevnog reda:

Odluka o izmjeni i dopuni Odluke o gradskim administrativnim taksama

**GRADONAČELNIK
Šuhret Fazlić**

**BOSNA I HERCEGOVINA
FEDERACIJA BOSNE I HERCEGOVINE
UNSKO – SANSKI KANTON
GRAD BIHAĆ
GRADONAČELNIK**

Broj: _____
Bihać, _____

GRADSKO VIJEĆE

PREDMET: Prijedlog Odluke o izmjeni i dopuni Odluke o gradskim administrativnim taksama

Na osnovu člana 52. tačka b) Statuta Grada Bihaća (Službeni glasnik Grada Bihaća br. 13/15, 13/18) i člana 140. tačka d) Poslovnika o radu Gradskog vijeća (Službeni glasnik Grada Bihaća br. 3/16) u prilogu vam dostavljam Prijedlog Odluke o izmjeni i dopuni Odluke o gradskim administrativnim taksama na razmatranje radi prihvatanja uz sljedeće obrazloženje:

PRAVNI OSNOV ZA DONOŠENJE ODLUKE

Pravni osnov za donošenje Odluke o dopuni Odluke o gradskim administrativnim taksama sadržan je u članu 12. stav 3 tačka nj) Zakona o lokalnoj samoupravi Unsko-sanskog kantona (Službeni glasnik Unsko-sanskog kantona broj 8/11) kojim je propisano da u vlastite nadležnosti jedinica lokalne samouprave spada donošenje propisa o porezima, naknadama, doprinosima i taksama iz nadležnosti jedinica lokalne samouprave i članu 21. stav 1. tačka č) kojim je propisano da je u nadležnosti vijeća donošenje propisa o porezima, taksama, naknadama i doprinosima jedinica lokalne samouprave u skladu sa zakonom. Također, članom 35. tačka i) Statuta Grada Bihaća propisano je da Gradsko vijeće donosi propise o porezima, taksama, naknadama i drugim prihodima od interesa za Grad.

RAZLOZI ZA DONOŠENJE

Prijedlog Odluke o dopuni Odluke o gradskim administrativnim taksama uslijedio je nakon što je Unija studenata Univerziteta u Bihaću dana 02.02.2021. godine Gradonačelniku podnijela Inicijativu za oslobađanje od plaćanja takse za ovjeravanje isprava za studente sa prebivalištem u Bihaću. U obrazloženju Inicijative navodi se da je Unija studenata Univerziteta u Bihaću udruženje osnovano radi ostvarivanja zajedničkih interesa studenata i podizanje studentskog standarda, te se kao takvo bavi svim pitanjima koja

mogu pomoći i olakšati studiranje. Kao jedan od načina na koji mogu olakšati studiranje navode smanjenje troškova, te stoga predlažu oslobađanje od plaćanja administrativne takse za ovjeravanje dokumenata po osnovu studentskog statusa.

U pogledu prijedloga za izmjenu Odluke o gradskim administrativnim taksama isti je iniciran od strane Službe za finansije aktom broj : 05/1-11-4008 od 05.10.2020.godine zbog potrebe usaglašavanja člana 22. stav 3. važeće Odluke o gradskim administrativnim taksama sa odredbama Odluke o izvršavanju Budžeta Grada Bihaća. Naime, počev od Odluke o izvršavanju budžeta Grada Bihaća za 2020.godinu („Službeni glasnik Grada Bihaća“, br.12/19) kao i u Odluci o izvršavanju Budžeta Grada Bihaća za 2021.godinu („Službeni glasnik Grada Bihaća“, br. 6/21) odredbom člana 9. stav 2. je propisano da rješenje o odobravanju povrata više ili pogrešno uplaćenih javnih prihoda donosi Gradonačelnik, odnosno lice koje on ovlasti, a na osnovu rješenja o utvrđivanju prava na povrat donesenog od strane nadležnog organa (Gradska služba za upravu, javna ustanova), zahtjeva Ministarstva finansija odnosno rješenja Porezne uprave. Kako je i odredbom člana 6. stav 1. Pravilnika o procedurama za povrat i preknjiženje više ili pogrešno uplaćenih javnih prihoda sa jedinstvenog računa trezora Grada Bihaća („Službeni glasnik Grada Bihaća,“ broj: 12/19) propisano donošenje rješenja nadležnog organa o utvrđivanju prava na povrat takse , to je prijedlog za izmjenu člana 22. Odluke o gradskim administrativnim taksama u funkciji harmonizacije normativnih akata koji reguliraju materiju javnih prihoda.

Također, Inicijativu Unije studenata smatramo opravdanom zbog stvaranja povoljnijih uvjeta studiranja, pa je ista i uvažena, te se Gradskom vijeću predlaže donošenje Odluke o dopuni Odluke o administrativnim taksama u smislu da se u članu 17. dodaje nova tačka r) prema kojoj se od plaćanja administrativnih taksa oslobađaju studenti sa prebivalištem u Bihaću za ovjeru isprava u svrhu ostvarivanja prava po osnovu redovog studiranja.

FINANSIJSKI EFEKTI

Donošenje ove Odluke izazvat će očekivane finansijske efekte u smislu smanjenja prihoda od gradskih administrativnih taksa, ali očekivani broj oslobađanja od plaćanja takse na godišnjoj osnovi neće imati značajan utjecaj na smanjenje ukupnih prihoda po osnovu administrativne takse.

S obzirom na navedene razloge, smatram Prijedlog Odluke opravdanim i predlažem da Gradsko vijeće isti usvoji u predloženom tekstu.

GRADONAČELNIK
Šuhret Fazlić

Na osnovu člana 12. stav 3. tačka nj) i člana 21. stav 1 tačka č) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“ broj 8/11) i člana 35. stav 1 tačka i) Statuta Grada Bihaća („Službeni glasnik Grada Bihaća” br. 13/15, 13/18), Gradsko vijeće Bihać na _____ sjednici održanoj dana _____ godine, donijelo je

O D L U K U
o izmjeni i dopuni Odluke o gradskim administrativnim taksama

Član 1.

U članu 17. Odluke o gradskim administrativnim taksama („Službeni glasnik Grada Bihaća“ broj 5/15, 12/15) iza tačke *p*) dodaje se nova tačka *r*) koja glasi:

„ r) studenti sa prebivalištem u Bihaću za ovjeru isprava u svrhu ostvarivanja prava po osnovu redovnog školovanja.“

Član 2.

U članu 22. stav 3. mijenja se i glasi : „ (3) O povratu takse rješava služba gradskog organa uprave nadležna za finansije, a na osnovu prethodno donesenog rješenja nadležnog organa o utvrđivanju prava na povrat takse.“

Član 3.

Ova Odluka stupa na snagu osmog dana od dana objavljivanja u “Službenom glasniku Grada Bihaća”.

Broj: _____
Bihać, _____

Predsjedavajući Gradskog vijeća
Handukić Zulfikar